

Tedim Chin | Zomi

## 2026 kum ading primary school sang-apna

Sang kah kipat cih pen naupangte, nulepate leh a kemte ading a lawp-huai hun khat ahi hi. Na sang-ap dan sepziading tawh kisai abaihthei pen dingin kong huhnuam uh hi.

Victoria gamke sungah, *Pilsinna le Pattahna Puahphatna Thukhun 2006 (Education and Training Reform Act 2006)* ziakin, na naupang pen inn geinai-a om sang (veng kiimnai sang) ah kah thei hi.

Na kiim na kianga om sang ahi lo, sang khatpeuh zong kisiau thei hi. Tua sang in na siauhna lai pen a Placement Policy uh tawh a kituak hiam cih hong ending uh hi. Placement Policy tawh kisai a kicing zaw-in na theihnop leh, [Sang-apna Iaimai](#) page ah en in.



### Kipatcilna Foundation (Prep) ading gamke-bup huam hun ciangtanna athak

Primary school kum khatna pen Kipatcilna (Foundation) ahihkeileh Kiginkholhna (Prep) kici hi. Victoria gamke kumpi primary sang khempeuh in a zuih ding Foundation sang-ap ciangtan hun kong tangko khia khin uh hi (Iaimai 4-na ah). Hun ciangtanna ii ngimna pen 2026 sangkah kum ading Foundation ah na naupang sang-ap ding hun leh sang-ap ding dan theihsak nading ahi hi.

### Primary school kum khatna ah ka naupang bang hunin sang-ap ding?

Sangkah aki patding kum April 30 ni in, na naupang kum 5 a phak hamtang kul hi.

Kum 6 a pha khinsa naupang khempeuh sangkah kul hamtang hi.

Victoria gamke kumpi primary school khatpeuh ah 2026 sangkah kum ading sang na ap ding leh, tua sang ah na sang-apna lai 25 July 2025 ni a nunung penin puak in.

### Ka naupang a primary school kum khatna ah koici bangin sang-ap ding?

Na naupang a primary school kum khatna ah sang na ap ciangin zuih dingte:

1. Find my School (Sanginn Zonna) website (a nuai-a pen) ah na kiim na kianga om sanginn zong in.
2. Sanginn pai theih nading ahihkeileh sanginn leh sang-ap dan tawh kisai theihbeh nadingin kumpi primary school hopih in.
3. Foundation (Prep) sang-apna lai pen [Foundation \(Prep\) Sang-apna](#) pan download la in. Tua lai pen 22 April 2025, Tuesday ni pan kipanin kingah ding a, tua sungah sang siauhna lai khat zong kihel ding hi. Sanginn pan nagelhding form copy khatzong hong kipiakha theiding hi.
4. Foundation sang-apna lai pen **25 July 2025, Friday ni** a nunung penin puak in.
5. Na siauhna vai tawh kisai **Monday 28 July leh Friday 8 August 2025 kikal** in hong kizasak ding hi. Sapna na ngah leh, tua sapna pen **22 August 2025, Friday ni** a nunung penin na san kul ding hi.
6. **Term 4 2025 sung** sang-apna leh sang kilaihna hilhcianna hunte ah kihel in.
7. Na naupang pen **28 January 2026, Wednesday ni pan** Foundation kipan ding hi.

## Ka kiim ka kianga om sanginn koici zonding?

Find my School (Sanginn Zonna) website ah na kiim na kianga om sanginn a nuai-a bangin zong in:

1. Na browser ah [findmyschool.vic.gov.au](http://findmyschool.vic.gov.au) ci-in lut in.
2. 'Enter your address to get started' a cihna nuai-ah a tawntungin na omna address gelh in.
3. 'Enrolment year' a cihna nuai-ah 2026 teel in. **Theihding:** 2026 sanginn kiimnai teng ciaptehma pen Term 1, 2025 bei lamah kingah ding hi.
4. 'School type' a cihna nuai-ah Primary teel in.

Map gamlim in na omna address, na kiim na kianga om sanginn hong lak ding a, vei lam pangah sanginn tawh kisai kizopna dingte hong dawking hi. A nuai lamah kaisuk lecin, na omna tawh a kinai pen sanginn nga zong hong dawking hi.

'Search for school' a cihna nuai-ah sanginn min tawh zong kizong thei hi.

## Ka naupang in kavengnai ahilo, kumpi primary sang khatpeuh a siau theiding diam?

He, navengnai ahilo sangte ahzong siau theimah hi. Na siauhna lai pen a Placement Policy uh tawh a kituak hiam cih leh mun awng aomhiam cih tua sang pan hong en ding uh hi. Koi dan sang siauhnate piak dingin kingaihsun masa deuh hiam cih tawh kisai thute [sang-apna laimai](#) page ah kizong thei hi.

## Ka sang siauhna a lemlah lam theihsakna lai ngah leng, bangcih ding?

Na naupang sang dang khatah sang-ap nading siauh huaihi. Na naupang in a kiim a kiang a om sang ah a ngah ding pen kician hi. Na naupang' vengsung sanginn cih pen a tawntungin a omna address bulphuh-a kikhentat ahi hi. Na naupang' vengsung sang zon nadingin [Find my School \(Sanginn Zonna\)](#) ah lut in. [Sang-apna laimai](#) page in zong sang-ap ding tawh kisai na naupang' omna address kicianin hong theisak ding hi.

Khentatna zong kithuum thei hi. [Foundation \(Prep\) Sang-apna laimai](#) page ah sang siauhna khentatna thuumzia ding tawh kisai thute om hi.

## A zenzenin sang-ap ding ciangtan hun lap kei leng bangcih ding?

2026 sangkah kum ading Foundation ah na naupang sang-ap ding pen Term 2, 2025 pan ut hunhunin kisiau thei hi.

Sang siauhna lai pen 25 July, 2025, Friday ni a nunung penin puak ding hong kicik hangin, sang-ap ding ciangtan hun a lap lote, Victoria -hong kituah ahih keileh hong tungthak cihbang innkuante kiang pan tua ni khit-a siauhnate kisang lai ding hi.

25 July 2025 ni khit nunga kipuak sang siauhna laite ahih leh, tua siauhna laite a kingah ciangin, sang ii Placement Policy tawh kizui-in ki-en ding hi.

## Primary school sang-apna tawh kisai thulela kicing koi munah kizong theiding?

Foundation sang-ap ding zia tawh kisai thulela kicing theihna dingin na vengsung sang ah kidong thei hi.

Term 2, 2025 kipatcil ah, Foundation sang-ap zia tawh kisai theih ding thute zong [Foundation \(Prep\) Sang-apna laimai](#) page ah kizong thei hi.

Tua theih ding thute letkhiatsak ding a kul leh, na vengsung aom primary sang hopihin huhna ngen in.

## Kua kiang huhna ngen ding?

Na siauh nop primary school ii Transition Coordinator, Enrolment Officer ahihkeileh Principal in sang-ap zia tawh kisai na theihnop khempeuh hong huh thei ding hi.

## Link zat theih dingte

Na tate primary school a kipat ciangin phattuumna hong pia thei ding ahi, a nuai-a link zat theih ding pawlkhat en in:

Find my School (Sanginn Zonna) – [findmyschool.vic.gov.au](https://findmyschool.vic.gov.au)

Sanginn kiimnai teng tawh kisai thute – [vic.gov.au/school-zones](https://vic.gov.au/school-zones)

Foundation (Prep) Sang-apna – [vic.gov.au/enrolling-foundation-prep](https://vic.gov.au/enrolling-foundation-prep)

Sang-apna – [vic.gov.au/how-choose-school-and-enrol](https://vic.gov.au/how-choose-school-and-enrol)

Pumpi cingtaak lote leh a huamkim pilsinna – [vic.gov.au/disability-and-inclusive-education](https://vic.gov.au/disability-and-inclusive-education)

Regional zum tawh kizopna dingte – [vic.gov.au/office-locations-department-education](https://vic.gov.au/office-locations-department-education)

# 2025-26 ading hun ciangtanna

2025 Nite	Sepna
<b>Term 2: Tuesday 22 April 2025 – Friday 4 July 2025</b>	
<b>Terms 1 leh 2, 2025</b>	Primary sangte in 2026 kum ading a naupangte ading Foundation (Prep) sang-apna a zong innkuante adingin mun etpihna, thulela kizaknate leh adang sepnate nei uh hi.
<b>Term 2, 2025 kipat ah</b>	2026 sangkah kum ading sanginn kiimnai teng <a href="https://findmyschool.vic.gov.au">findmyschool.vic.gov.au</a> ah live kikhah ding hi. Nulepate leh a kemte in <a href="https://findmyschool.vic.gov.au">findmyschool.vic.gov.au</a> ah lutin, 2026 kum ading inn geinai sanginn (kiim le kianga om sanginn) zon huai hi. Nulepate leh Akemte ading Sang-apna ah Theihding Thute pen <a href="#">Foundation (Prep) Sang-apna</a> pan download kila thei hi.
<b>Week 1 pan Term 2, 2025</b>	Primary sangte in a lamet-huai nulepate leh a kiim a kianga om mipite tungah Sang-apna Ah Theihding Thute hawmsawn thei kha ding uh hi.
<b>Week 1 pan Term 2, 2025</b>	<b>Sang siauhna kihong ta</b> – hih ni pan kipanin, nulepate leh a kemte in a sang siauhna lai uh kumpi primary sang ah puak ding uhhi.
<b>Term 3: Monday 21 July 2025 – Friday 19 September 2025</b>	
<b>Friday 25 July 2025 ni a nunung pen</b>	<b>Sang siauhna laite ciangtan hun a bei</b> – hih ni a nunung penin, nulepate leh a kemte in a sang siauhna lai uh kumpi primary sang ah puak ding uh hi.
<b>Monday 28 July leh Friday 8 August 2025 kikal</b>	Sang ii Placement Policy tawh kizui-in, primary sangte in nulepate leh a kemte Foundation (Prep) khentatna lai tawh theisak uh hi. Tua sungah piakna lai, sang-ap kipsakna lai, ahihkeileh sang siauh ngahlohna lai om thei kha ding hi. Sang siauh ngahlohna lai a ngah nulepate leh a kemte in primary sang ah thuumna lai puak theiding uhhi.
<b>Friday 22 August 2025 ni a nunung pen</b>	Piakna lai a ngah nulepate leh a kemte in a naupang' munding sanna uh hih ni a nunung penin gen ding uhhi.
<b>Friday 22 August 2025 ni a nunung pen</b>	<b>Nulepate</b> leh a kemte in primary sang ah thuumna lai puak hun kikhak ni.
<b>Friday 5 September 2025 ni a nunung pen</b>	Primary sangte in nulepate leh a kemte tungah a thuumna uh tawh kisai khentatna pen hih ni a nunung penin lai tawh theisak ding uh hi.
<b>Friday 19 September 2025 ni a nunung pen</b>	<b>Nulepate</b> leh a kemte in primary sang ah thuumna lai a kisanlohna mun ahi, Regional Director tawh thuumna lai puak ding a nunung pen ni.
<b>Term 4: Monday 6 October 2025 – Friday 19 December 2025</b>	
<b>Term 4, 2025 hunsung</b>	Primary sangte in sang laih sang-ap hilhcianna hun gel uhhi.
<b>Friday 31 October 2025 ni a nunung pen</b>	Region-te in hih ni ma-in nulepate leh a kemte tungah Regional Director thuumnate tawh kisai khentatna hih ni a nunung penin lai tawh theisak ding uh hi. Hih pen a kikhak ni 19 September 2025 ni a nunung penin a kingah thuumnate bek tawh kisai hi.